

T 5422 13263

2 ~~5422/3263~~

玉茗堂全集

臨川義仍湯顯祖著

哈佛大學
哈佛燕京
圖書館
珍藏

詩

五言古

出都晚登里二泗道院高閣

弭舳聚煙爨躡鳥凌暉皎旅積方此舒波情亦
增繞榛丘憶蒙密重關思窈窕况此羽人居青

熒滿幽眺雙扉永平直層樓迴飛矯陵巒翠西
蠹河渠白東森幢檣密林樹伊優軋魚鳥封畛
四如畫岐術紛可了非經灞陵役復異河陽遶
如何帝鄉雲悠然映江表

陽穀田主人園中

宣遊無滯情端居有遙寄北窻何嫋嫋纖縑
延吹宛轉曲閨通依微連圃迤青華猶被

實已盈器南人善澆注北叟忘機事坐仰密雲
隳直望靈膏墜恢恢九夏適晻晻三秋至我行
豈不永葡萄兩抽翠丘園何足論一身已如質
倏見漢陰人空傷仲長志

逢采藥者關外

張公非韻淺孫生乃思沉處處可采藥何爲來
上林昔來當夏首今去欲秋深停艫張暑幌借

宅延風襟肅氣豈不蚤叢灌有幽陰穠條俱下
靡弱蔓且芴尋傾崖隱蟬唱列隧繞重音黍稷
雖已齊膏雨尚遲臨在客豈無時一再食林禽
想我家園中榛蘖常見侵懷香不可問遠志袞
難任

雀兒行

在七級作

棲陰魯陽穀信宿田公廬道逢雙髻子手提黃

口趨問從何方來答言從構櫺登嬉發茗戶母
出子見拘直用充狸脯不足奉賓厨羣雛何啾
啾竟鬼在須臾觀聽發三嘆爲乞此兩雛答言
無所歸巢傾母已無放之不能去空爲大鳥舖
屏營作方畧令持示我姝爲我置高軒養大縱
所如我姝應聲起削楷以爲樞縷秭數縱橫網
薄相離婁籍以翠枝葉安設繡窻隅飲以水盤

水飼以紅粟餘仍爲潔瓜果致祝兩禽初一星中鶉一是日中烏精氣感無微當知護汝軀
惠養豈不至野性終踟蹰兒童愛觀弄長者意
自殊羽翼自成飛但往不復呼

陽穀助田主人宗祈雨

叢壇歲有秩社樹禮無違巫歌旣宛轉葆舞亦
芬菲何爲闕幽應希復驗靈微滌川悲杲杲瞻

嶺佇祁祁峻旅停揮笠園婦罷抽機西郊殊自
密東臯良已稀畏壘今居是汾陽余德非豈愁
行路暘將念主人饑占鳥時開筴迎龍稍下幘
迴雲通海嶧轉潤借河沂揚冥洗爍怒吐澤遂
蒼威昏祈畢月染宵遲零雨飛寧辭墊輕恰兼
此滌塵衣主人登夏穡浮客待秋薇雖無蘭與
菊椒糈餞神歸

陽穀主人飲

趨蹌乃人理卧托非世資經知華闕路稍悟山
中時蕭蕭河上遊日暮風塵吹何意客陽穀始
得坐茅茨前扉眺南雲後牖延北颺幽樹蟬鳴
中稍與樵歌宜主人重風義斗酒相過隨時時
道風俗間襍以書詩主客自臨酌童婦或觀闕
竝言此官客日昨自河濱如何屏騎從冠帶了

不施妝薄不厭進鷄寒亦肯持客聞自驩處愈
益縱巾綦想念家田下風義亦如斯蕭曠樂斯
土奈何當見離勉身一從秩不獲戀所怡旅翼
終南飛徘徊經宿池人生苟有情別夢當遊茲

南旺分泉

依陰發泉豁開陽盛雲雷揮珠卽橫厲弭柅暫
徘徊神媪膏雲落天孫灑雨開唯王資轉輪畫

地此縈迴洧洧連衛潞灑灑注河淮高嵒刺雲
日橫籌傲山崖鮮冰敵陽至神木斬陰來浮吹
徹終夜飛艦常千枚珠粒山東泉藿肉江南財
當知禹貽厥宜歌帝念哉

魯橋南望山

雲波美川色綠蘚龍潺湲在舟徒可咏居情殊
未閒魚鳧今透亂蘭菊舊追攀徘徊河上路塵

冥京洛間馬首臨西山積雪徒清顏素心悲荏
染幽期常往還秋光汶陽水忽見湖上山隱映
不能去空然怨出關

夜泛魚臺河

日夕汶陽道明湖影青岑發興已孤遠中波夾
平林平林煙色微迢遞表暉陰明月若佳人杳
靄來窺臨夜黃時叫嘯陽魚恣奔沉颺颺高柳

鳴檣綽撓風音籟寂警玄律空明洄素心紛晝
卽冉冉良夜稍悵悵愧彼蒼洲客茲遊常映衿

臨清哭王太史懋德

太史同郡不相識病且死自以爲恨感而哭之

交知有重壤相濶無近親徒聞君顏色清如淥
水蘋處心在規闕不隨衆飛塵生平無半雅哀
鳴能見珍諸人無物色之子有人倫寧聞四海
言引重一時人相期發心素婉戀來相親何意

我南徂逢君亦不辰有疾不堅卧就鑿朝國闈
良鑿不在國修生宜乞身歸春行采藥慎夏臨
清濱往往溫克人沉疾善悲嗔委蛻卽非有攝
妄自傷真托身賢地主送此虛無賓馳覓迫東
岱委臯遡南津在家了爲寄客死理亦均予非
噉噉者懷緒此沾巾

答丁右武稍遷南僕丞懷仙作

詩

斯人負高概情蕪藹紛饒觸邪注冠影雅志在
公朝衣服近吾身有如裘與蕉升蕉有涼燠寒
裘終不凋斯人乃可去將無念霜朝西迴太行
軸南縱廣陵橈有客從瑯琊從君獨酌謠巾帶
若山人玉鈎橫在腰他人富貴媚斯人貧賤驕
山中讀道書玉女時相嬌但令有真骨數至自
飄颻靈阿發昭輝逸駕動鳴椒雲冥深秀資霞

延仙隱標庶反山中駕聊用倚逍遙

汶上懷右武淮揚

山經嘆蚤草風人唵鹿苹徒言用相取寧悟氣
須并輸驩情有贅奈襍趣無羸美劍沉西山佩
服豈得輕約結竝倫品雅意驚通明佳期易中
折初願難竟程浮游滄海姿歸作豫章行相期
齊魯間并泚東南征津途問來者告我以淮瀛

邇予滯南徙濡舫不逢盈棲陰陽穀館迎涼秋
月生秋風亦已肅秋河亦已晶庭樹稍靡靡熠
耀且熒熒燕姬陳篔幄魯客媼樽楹徒知秋士
愜寧知秋士驚如何廣陵道花色重盈盈下作
合歡種上作芙蓉精經過但言賞跌艷卽前呈
丁生自言剛聊爲此所縈佩珠思漢女鼓瑟懷
湘靈沉回自有托搖落詎能平旁人謁一官不

殊兒見見飭豪情自滔蕩豈在束塵纓念與君遊
時出谷鳴初鶯如何汝陽道獨聽鴈悲聲

送鄒爾瞻吏部

蕤蕤青鳳臺裊裊嘉林枝嘉林有餘蔭孤鳳無
停姿予本都人士獲此映光儀昔來楊柳津今
歸流火時遊旋及多暇葉尊良寄茲高張不可
常委迤非我思山川時出雲中和爲德滋一節

趨以晚列宿光何遲美人常滿堂目成今復誰
徘徊德音遠何以慰參差

江館憶別蔡青門

春華殊郁燁江館憶凌波
漁父入蘭渚楚人歌豈不懷芳遠
徒令春望多鳴琴風色麗卷
幔煙光和江湖一尊酒持許寸心過

飛霞閣夜宿送冷道人遊嵩丘

天宮吐青霞陽華朝隱屏似有采真人泠泠向
虛境五色費春耘清虛意言領開書疑杳冥扶
顏真秀穎赤熱金陵氣疊暑江河永清汗晝流
離當風扇猶秉人生正危淺驕陽復茲逞稍稍
映虛真習習襟期冷居然朝市中咫尺會箕穎
始知飛霞閣夜出甘露井願擘青荷衣隨颺散
蘭省屏營坐星夕倏颯煙裝整欵跨非遙崑肅

形非近嶺滌蕩中嵩雲轉側關河影河影月精
流關氣真人警長恨滄煙外竒懷失遮請牛女
足開神江湖寄千頃

喜雪

度臘逾風和入歲占雨絕猶欣夙嚴凍更報今
零雪卧聞森浙歷起視彌飄撒氤氳連信宿颯
沓委城闕寒光黯蕭索清氣凝塊北稍稍薄沉
雰漠漠沾浮日鍾陵紫氣開玉階冰溜折誰分
蘭荔榮長期麥華茁

望報恩寺塔燈

寶積步城南露槃應在北遶行皆世心登頓極
鬼力衣色江霞染馬首林煙織轉眼百枝燈飛
光九層翼點綴各有行門檻遠可識鱗飄燭龍
下星闕暗河直上領覺俄金下界似陰色出江

隨倒影回城送曛黑炭業世希有灑漾真奇特
蘭膏出大內雕冶竊殊域持照諸天人報恩大
明國

過太常博士宅

太常東署中五年足棲集南風多爽噎春梅未
湫濕兒子此生成棊書此敦習逼迫徙詹事後
者來何急出門別井竈致詞如欲泣臨去幾回

首向後恒過入昔作主人居今向賓階揖已悲
題字滅稍呀新堂葺觸迹有思存循年真悵悒
舊隸猶瞻叩比鄰都問及坐深難可畱簷庭去
猶立百年渾似此前人互通執弱心誠自嗤懷
來非可戢

六月苦旱渴偶就弘濟寺得江水飲

斗水十餘錢誰云江海潤孤生已四十正爾今

年渴池井各封閉關梁遮遏注喉如沃焦敢
復費澆抹延生喘脇際常恐命蒂脫朝窮雲漢
呼夜厭飛虫聒明河雖按戶斗杓肯低幹井參
雖在闕玉繩不可掇稍移江上寺江水遠明活
熱乏此甘露點滴在甌鉢沉冥洞壑氣迴風撓
虛豁窾空倚絕壁日光傾隱割雖非清涼山冰
雪見毫末水觀蕩陰靄晚浴宜巾葛江海足相

忘都人困吹沫安得取水龍傾城此並囊括

巳丑立秋作

水價日百錢淮清江水濶他生常苦饑今生直
愁渴渴烏無轉勢枯魚自噓沫斷想入梅雨已
覺露華歇山川不出雲星雩盡茲月始疑天意
遠敢云地津竭迎秋稍沾漚木葉早枯脫夏雨
瀝金珠秋水灌毫末

送武部周元孚歸黃州

波瀾拂青鳥風雲翔翠螭
俛仰各有致浮沉中
自知楚客詠蘭芷江煙渺
佳期及此晤言笑已
惜青春時我心殊鬱陶
世路良參差關河氣未
死江海人猶饑王氣緬終古
輕心常在茲武庫
新畱仗羽林舊孤兒畧約未
敢問精整存有司
當官廣有人須材今復誰
君當江陵相天出蚩

尤旗契澗上封事的
爍施顏眉長星十年後流
人千里思邊風鴈門影
海氣青田姿賴有董夫
人雅麗精文詞奉倩惑
傾城安仁惜瑤姬棲遲
長路意婉戀洞房私有情
能不極多才難自持
秋色何蒼然懷人益淒其
風塵淮楚路煙波河
漢涯誰能世紛淺願言顏
髮滋

送董光祿北上

人生貴可談富貴亦何與悠悠鄉里心董公有
佳處兩過都亭飯及此金陵署世故無不論寸
心稍流輪煙波木末賞雲雪高齋度何以燈燭
深但覺文尊互大器笙鏞姿冗從安能駐願言
傾夕秀江山極遊遡等爲光祿勳歲中南北驚
北上蚤風塵南中多月露月露使心清風塵令
髮素况此馳驅久精華亦有數公卿了了可見曲

折自時務中春承詔旨清和即江路昨者留道
書足知心所寓無以大官厨忍斷素食趨悟門
時有入印證及遲暮

雪夜望報恩塔燈

熒熒冰雪天關南獨吟眺窅波深洞沘衝風遶
迴竅窈窕照明園天花積光耀白影久希微碎
身此靈廟西京曲池後舍利落爭標大明雖猛

特祗桓亦經燒猶餘水晶塔刻畫于闐妙五色
金陵外千年燈火照珠龍動鱗甲星河下奔峭
藐爾雪山人因緣發微笑

夕林

槭槭花巖幽竹葉微風咲涼螢亂池上水鳥時
一叫清沐坐來久前林月開照不知山氣深冥
蒙覺葱峭

赴帥生夢作

有序

丁亥十二月予以太常上計過家先一日帥
惟審夢予來相喜慰曰帥生微瘦乎則止予
以冠帶就飲帥生別取山中着予甚適予首
嘆曰人言我兩人同心止各一頭然也嗟乎
夢生於情情生於適郡中人適予者帥生無
如矣乃卽畱酌果取巾相易不差分寸匆客

駭嘆記之

青雲覆嘉林明月映珠津理絕有連氣况乃在
人倫歷落帥生姿禮食先一旬采擷極玄史詞
賦落瑠璘我生弱冠餘良遊非撫塵子爲膳部
郎予入南成均今上歲丙子再見集庚辰前後
各傾展言笑日溫新家能造清酒兒能娛父賓
昔是新相知今爲舊比隣上計邊越來醉我鳳

城春笑謔不下樓安知誰縉紳契濶四五年流
思月相巡予滿大常秩子罷思江綸日夕夢我
歸入門覓鬼覩交手無別言但問瘦何因冠帶
卽延酌易我巾山巾尺寸了不殊形影若可循
世人言我汝同心徒異身今看巾幘交益知頭
腦勺說夢未終竟報我及城闈歲寒冰雪中松
心竹有筠三嘆此何時滅沒旁人嗔眼觀一堂

內夢見千里人見交等形隔卧托乃疑神素車
尚前語迷途猶見遵况我見爲人分明江海濱
立語卒不盡且坐留飲醇易巾果所宜夢與形
骸真盍簪此爲契彈冠安足陳

江樓曉望同劉司業鄒吏部

夜色明江樓月露泛涼瑟俯窺光響流仰瞰星
河溢徙倚未能寢昏旦一何疾空波滅餘霧高

臺障初日惠風衿帶間泠泠清意出

杪秋度嶺却寄御史大夫朱公王弘陽大
理董巢雄光祿劉允陽司業鄒南臯比部
五君子金陵

素秩守山陵積歲在星祠如何別君子垂雲籟
天池清齋出涼門尊酒各前辭婉彼蒼蹊奏澹
然瀟湘姿迴風吹木闌寒生青桂枝冥冥水波

遠日暮心欲悲宮闕有明雲嗟峨氣依微五嶺
望超忽叢山阻遊夷虫豸夾我吟蜚翠拂蘭漪
所思一箇臣嘆息綿蠻詩何當叫我友凌風以
高馳問路逢流星寄言河漢私閔嘿路方始嬋
娟知爲誰千秋有佳期百年女所希玉津以止
渴芝華持叫饑

登報恩塔歸騎望塔燈同汪仲蔚

珠塔凌觚稜鍾陵看建業表裏山川盡勝寄煙
雲愜江光日氣飲世界空明攝迴聽風穴壯側
看飛鳥怯下方燈欲上歸人影相躡千枝蓮出
臺四照花開葉見頂色依微開陰點層疊燄摩
如可遇佛光於此接文祖發威神彌天歸震懼
匪報佛王恩自顯天人業花宮窟勝麗孽火傳
灰劫華趺暗消隱畫墻堅巖嶭三匝禮空存四

遊心苦涉裁量百年中蘭膏幾輝燁

送朱司空上都二十韻

朱公前南客曹時
陸公南祠郎也

心知豈無人遇合故有命奉常凡幾年虛微自
本性朱公南鳳凰軒豁五雲慶凝華整官屬齋
心感靈聖衣簪時在公禮法竊所敬拜別南滁
凋過肅西曹政刑名何必深奏決多爲令無因
贊君子佩玉歸朝請人知襟想清未信容顏盛

屏居二十年海上風期夔桃李豈須言松筠自
相映春曹忝虛薄故事存高咏偶標朱陸期妙
案清華并陸公濬名理談宗真水鏡朱公與莫
逆寤語爭竒正德業遠相致大雅深儒行倏忽
世道往未覺津途淨尚有老成人端居鎮流競
陸公滯南宰恨晚紆餘勁司空向巖陞次第調
機柄匠器方此呈碎職何足竟丹青大臣節契

澗在百姓初書大有麥祠官費祈禁閉關心隱
鬱談時氣奔迸稍待歲氣復當歸理貧病深淺
嘆河梁衝波豈遊沫

喜麥

時皖賊初散
南都解嚴

滔滔春雨過已入孟夏月絕流今夏寒塵生井
逕竭所欣秀麥冷青黃夜生發今晨米價落數
歲草根掘北極自河漢南都有宮闕氣脉動三

楚精華受百粵向賊幸么小江湖未深窟就麥
自開散官軍失倉卒但願雨八律經營土昌穢
嘉生良在茲鍾陵氣未歇

北望同劉司業允陽

南都幸華予祠郎復清秩雖無當世心願奉清
時畢依依鍾陵雲望望長安日但聞臨幸稀轉
覺軒闈密天高百靈護玉色喜精實驩幸無深

淺燕語有得失貴弟欲分手前星時在膝戴北
起明雲早晚宮車出

靈洞篇呈趙太史蘭陰

赤松隱靈勝寶婺明清淑高霞流紫白鳴泉亂
松竹參煙石藤古瀉月峰蓮獨時棲唳葢禽或
倚啣花鹿春橋遊士女煙臯下樵牧丘壑自專
一巖洞古傳六芊綿步東迥巖空臨下蠹雨華

石乳滴日氣丹芝馥蕪沒半千歲始獲第三谷
太史此藏書江潭遂初服侍講金華殿試結蘭
陰屋隔以清淺流障以森沉麓激耳流風鮮過
眼歸雲熟夜明山氣深巾帶坐如沐吾鄉張與
鄧於茲信言宿雲跡各飛眇世事有牽促出山
亦偶爾幽意豈忘目流想青桂遲坐嘆紅蓮速
祇恐丹青人無因反巖築

髮落

草木根地陰頭顱向天閱凜秋風落山卷地吹
長髮沐櫛臨朝陽消颯去如拔粗可試輕簪省
復下勁刷星星幸未出側室在伺察卽知金附
蟬了非三十八美鬢當時人亂頭且光滑俛仰
復何道客至就巾抹

丁亥戊子大饑疫

西河尸若魚東岳鬼全瘦南北異肌理生死一
氣候山陵餘王氣戶口入鬼宿猶聞吳越間積
骨與城厚宿麥失先雨香秔未黃茂長星昔中
天氣燄十年後乘除在饑疫發泄免兵寇君王
坐終北遍土分神淄何惜飲餘人得沾香氣壽
欲遊棲霞寺不果

金陵王舍城攝山有佳景雅意緋桃路極望青

霞嶺吳生要我住幽意夙已領安知淨土薄春
淹水田頃徒資稗子粥未蒙居士請行乞自明
相飯過中時影彌天入饑劫陰光謝靈境膏車
正佳事早晚未應騁直須稍支濟得復向清整
坐夏了難期結秋西引領

京察後小述

邑子久崖柴長者亦搖簸含沙吹幾度鬼彈落

一箇大有拊心嘆不淺知音和參差反舌流倏
忽箕星過幸免青蠅弔厭聽遷鶯賀賤子亦如
人壯心委豪情文章好驚俗曲度自教作貪看
繡袂舞貫踏花枝卧對人時欠伸說事偶涕唾
眠睡忽起笑宴集常背坐敢有輕薄情祗緣迂
僻過一命淹陵署六歲逢都課浮譟今已免不
謹前當坐有口視三緘無心嗔八座骨相會偏

竒生辰或孤破吾心少曲折古人多頓挫脫落
慕仙才點撥希王佐咄咄竟何成冉冉誰能那

三十七

我辰建辛酉肅皇歲庚戌初生手有文清羸故
多疾自脫尊慈腹展轉大母膝剪角書上口過
日了可帙家君有明教太父能陰隲童子諸生
中俊氣萬人一弱冠精華開上路風雲出留名

佳麗城希心遊俠窟歷落在世事慷慨趨王術
神州雖大局數着亦可畢了此足高謝別有煙
霞質何悟星歲遲去此春華疾陪畿非要津奉
常稍中秋幾時六百石吾生三十七壯心若流
水幽意似秋日興至期上書媒勞中閣筆常恐
古人先乃與今人匹

懷帥惟審郎中戴公司成

著冠須訪戴脫冠須訪帥磊磊一心人離離十
星歲戴公入山水淡迹分明昧喜沾清悟姿不
惜沉冥醉帥生能造酒酒色清如菜高談常夜
分哀歌忽雷潰兩君真晉人土性有癡慧相見
卽相親了非心所解如雲墮江光顛倒影在內
心歡長若茲日月亦清快重來斷清嘯不復可
人在影撇事詩酒接拏坐巾帶帥生煙霧中戴
公江海外但想卽成笑寄書亦何賴

題趙生冊子

誰向清嘉堂寫此枝與葉初開碧桃影素燕飛
流擘隨意襍花竹粉墨何萎浥點染露華吐撇
綽風枝接如行墟里中歷落成目涉且知幽靜
意不肯着蜂蝶閨閣日何事偶然心不慙欲從
趙王孫更作來禽帖

顧膳部宴歸三十韻

時大水饑

年深情易盈春蘭氣方燠齋房常自清登臨每
傷獨同人風義生命我春清熟新雨道無人越
歌山有木甚設苦難常爲期省相速適往纔張
具且坐遺中服行綦過格五點局殘花六豆間
依古禮坐次隨年錄素盞溢芳溫青蔬禱蘭菊
無事極脂膏風斯映明淑心清笑則雅興洽談

逾穆留連清夜沉偶嘆春年肅河北人猶流江
南子初鬻行人深掠食縣官粗賦粥杏花差有
畔苦草正無幅黃星春不死青歲鳥猶宿微祿
幸三飽清齋休五肉秀麥候皇明妨案悵神牧
一人同向隅諸兄須仰屋凡百關天運有萬依
王福江湖初繞雷神州方蘊櫝舉白但歡展辭
觴敢嘖蹙滅燭步除陰明月隱深竹風庭猶數

杯淋浪居未逐金柝夜沉沉玉街清瑤瑤還齋
深思餘倚檻端居伏風露藹延和華桐暗相馥
岍憤且輕首啜茗殊清目側看星尾遲遠聽鳴
鷄速向署首明祠靈妃方捧祝

怨婦詩

行出鳳臺門遙見一婦人懷愁須借問雪泣始
言因本是臯臺女穿珠遊漢濱相逢拾翠子聘

以百流銀阿母結香纓阿爹持繡輪江陽萬餘
里飄搖一女身遊絲亦有高芙蓉定無深恃此
朝雲色常懷明月音何言朱雀柝別有鳳凰簪
棄妾青樓晚閉妾重門陰陽霞珠似粒陰雨桂
如薪珠花全轉折侍女罄隨人寧惜容華變恒
愁芳潔淪永束青苔恨去赴綠楊津纔驚鴛忿鸞
躍瞥見孤鴛沉江妃倚浪笑漢女逐風吟失意

已從古傷心非獨今無綠拾香骨持寄薄人心
夏至齋爲西署芟竹

方陸閔靈祀清齋澄宿禳俛仰罷文奏信宿晤
良歆掩彼蒼琅竹翳此芳華林東園悵蕪蔚南
署稍蒼沉遂覺來蹤淺翻令往意深經營命臺
史顧盼惑流禽芟根絕橫阻披枝令上尋希間
留挹露密處待延陰且佇壇塲色空凌雲漢心

送吳幼鍾歸皖

嘉會信流止通懷時閉申悠悠紛可悅蔓蔓具
誰親影纓感來拈擲管喟先民豈無碎首烈密
此惠心人磬折有餘妍玉輝時映身在官非遠
爾接陌有如隣色笑動淹夕思存寧距旬素心
飄以遠芳意密難陳美人及遲暮君子亦清淪
取慰白華想寧詠紫芝辰遯思徒可勉通衢宜

見遵

送沈鄖陽

清漳藻竒色奧嶺結暉英興文旣以鬱勉身能
自清菱蕤曲臺上徘徊多友生青鍾臨樹羽尊
酒寄琴笙方歌零蔓草何言流蚤鶯陶陶孟夏
中悠悠江漢征澧沮映南渚秦蜀遞西傾流吐
易風聽卧理卽神明無事東陽守徒流高咏聲

送郭考功北征采藥南歸

汎濫青雲浮掩藹飛風集河漢夜何明江湖氣
方急恭逢惟德銓深心此柔輯好與羣龍旋分
隨高隼執江山自凌峻榮賤有階級朝陽秀初
揆玉笙清可吸連輕綉史榮寧邀璽郎入晤彼
清河嘆庶此寒泉汲沂言動臯壤周咨在原隰
勉爾慎津途寧論取棲粒

贈唐仁卿謫歸海上

津衢無奧士，菑峭有奇人。
居懷徒可積，抗辨力誰馴。
道術本多岐，况復世所尊。
風波一言去，嚴霜千古存。
揆予慕甘寢，未息兩家紛。
方持白華贈，殊望桂林雲。

送汪仲蔚行藥匡山

長陵美雲氣，日至候靈飈。
神臯方晻靄，祠署肅

嘉招如何侍，清列不見子。
風韶青青能幾時，幽谷有鳴喬。
方當振長纓，與子立於朝。
風迴閭闔，遠林寒芳意銷滅。
燭動孤寢，山川殊未遙。
棲香爐嶺，雲同波江海。
潮方深子牟，嘆非忻園綺。
超寂歷有寤，語棲遲成久。
要出自嘆西門南望石，城橋的的芳梅萼。
猗猗嘉橘條，雖無玄朔姿。庶以南國標，何爲來水喬。
倏忽在山椒，終知及遲

暮聊用永今朝勉爾山中人當知予寂寥

送范敬之郎中奏滿便遊匡山

受命鍾陵下杳曖蒼梧間清齋隔浮世道書酌
素顏往往應鄉語時時留子歿君容何樸樸君
心殊蕙蘭雖沉中聖答彌著獨醒言塵情若飛
葉素慙乃流根忽聞當北陸奏秩且南轅芳春
集廬嶽晏歲及家園家園日月晚廬嶽煙雲繁

出山苦不易入山良復難願言勗幽躅無令芳
緒殘

和別李儀郎道甫

湛氣浮虛中流塵日相輸細人常不聞君子亦
云鶩銷心緣宿迷洗氣令新悟對俗自含嘿傾
知忽流露旁人非所睇之子獨延晤經知世上
懷頗愜英流趣何用慰晨風長言警宵露

秋夜盧龍觀

苦熱

火山有棲毫沸泉猶戲鱗念此中夜苦脇息氣
不申薄泄雨雲色鬱燠江海濱白門竟長夏赤
道延西旻翕虛手交扇霰霰氣沾巾城陰坐倚
徙簷影立逡巡渴彼崦嵫色飲沐寒泉津青花
吐涼月映之猶炙人洞房劇溫室清簟若層裯
白汗委流波展轉難貼身跳身清露下餘蚊逐

光循流嘆火西夕延佇井東晨闕此清涼門定
我冰雪神倘有四時風吹人無奪倫

雨

吾鄉有再熟蟬鳴卽新糝吳苗苦遲立似渴白
露雨赤熱不可奈星雩事已屢根本東南樞流
言襍軍府衣冠少三食相見色淒阻仰首鍾陵
山雲漢隔深語昨夜江水動風雷龍下取抽尾

黑雲際掣戾若可數
颯杳空中聲騰旋半日許
疾電閃墻藩連震殷
窻樹氣若白濤下勢如渴
烏吐誰謂不終朝三日濕
后土夜得清枕簟晝
足涼軒俎便覺米價定
豁若天雨金向曉星河
霽猶望五車柱

送汪汝立郎中奏最兼懷吳幼鍾馬長平
京華今幾時當君客淮上車煩想舟楫塵勞愛

波浪君爲賢主人夜月隨官舫浣此客心憂清
光與浮漾素惟風義佳轉愜神情王朋尊故靜
好落葉時惆悵所知新太宰吾師今副相人生
豈無涯世法各有當緬君蒼素姿暑路風塵傷
不知歸皖否可悉吳生狀前觀乞米帖君歸與
籌量無令卒饑死負此時賢望北遊君有人猶
龍馬生壯此生好馳馬吏事能精強嚴役在江

嶺還都足酣暢有才費雕刻雅意歸玄匠送君
過夏首節物深駘蕩日氣清江陰煙光綠蕪漲
但去勿徘徊長安心所向

送徐民部北奏歸覲

托交亦無因通懷在所攄昔我奉常里與君對
門居軒窻襍花竹來往蔭紅魚造次巷無人散
步心閒虛夜分亦不辭清晨常對梳私懷備宣

展時事或欵欵戊子初陽春三三一日華初兩家
生男女恨遠不相如以此兩家人相憐難自疎
時時遺甘果襍以綉偏諸婦儀貴筐篋男禮重
瓊琚長庚好公子飛光能照車娟娟我兩雛窺
書臨石渠亦各愛少子追從常戀裾知爲兒女
情暫令言笑舒何意流光積都爲離恨餘昔君
春涉秋浦口治軍儲君歸我祠署宮僚隔儲胥

被病省人事，驩赴常趨。起問君，邇何爲奏計承。
明廬君言與世淺，幔亭賦歸與君才。若貞松忍
比道，芻樗里中多貴人。長者宜吹噓，暫歸采蘭
鯉。豈足問樵漁，留君日夕遊。文園交綺疏，河色
過涼雨。林影迤虛徐，中庭春梧楸。幽塘亂芙蓉，
曠隴秋氣鮮。月露方愁予，年華浩已流。遠意不
可除，陵祠我當滿。亦欲歸著書，問子春能來一

歲此躊躇

懷郭美命編修吉除勸駕有作

與君初攬結，知是鳳條英。風煙積宛洛，冠冕潤
吳荆。寂歷明星祠，駘宕臨春城。瀾瀾江波淥，悠
悠漢水清。邈之宛一人，其人秀以貞。出京多晤
言，宛轉若同生。仙舟雖可泛，蓬山非我行。忽彼
麻衣雪，映此生。芻情光景若流駒，中廬常自驚。

在昔寒泉嘆復此有懷并素悲差已盈禮樂宜
未傾澹澹平安始惻惻笙歌成長安惜往日春
鶯能惠聲

丙戌五月大水

芳臯有熱芸空疇猶浩漾時欣日華漏未覺風
心皎北上湧朝濟南垠滯昏曉妨染愁奉常祈
田肅京兆府署氣無鮮壇場意俱悄梧竹靄滄

涼井邑浮虛杳地脉交龍斷硯席涎蝸遶扇節
尚春衣籬門喧水鳥從陵上原隰登臺望江表
天貌此沉沉客心方渺渺何日風雲掀俯辨山
河了

懷范敬之太守潤州

出牧多時彥了非心所有何悟獨醒人出我同
門友華陽有范氏世祿未應朽粗經名法深轉

覺風流厚數點身上衣肯問家中婦潤州今如
何脂膏昔能否陰煙秣陵下臺門隱高柳罷謁
過從便獨臥棲遲久風雨晦堂除河漢翻戶牖
吐納各有致佳期良不負送別何悠悠片語爲
君壽巧步不終朝拙心當白首君昔廣陵祠飛
書定妍醜子源天下士陳琳安足偶寸心俎豆
前一字春秋後壺冰知天寒此事在人口金焦

靄嶮立波浪突傾走交遊兄弟中發興似枚叟
未是觀濤氣欲執子之手見子爲清郎聞子爲
清守自有中泠泉何嫌京口酒

慈竹山

暮雀何啾啾桂樹青簷端飲隨花葉滋饑將木
盡殘鼓翅若有餘何期孤鳳鸞千秋江海上咏
啖金琅玕威蕤自歌舞豈不凌饑寒冒冒軒轅

子裁音入雲間上有鳳凰臺下有慈竹山

慈竹山

裁字自音中令泉向兼京口

未是躡雲屐俗持子之手泉子為書暇問子為

齋幽立地與突酌去交幾只浪中幾與地外

玉茗堂全集

臨川義仍湯顯祖著

詩

五言古

穆天子

穆王駕白鹿西飲樂人泉盛姬誰家子婉戀隨
周旋朔風吹羽獵重臺障嬋娟盛姬忽告病天

詩

二卷

子益悲憐寒漿渴莫飲虛此進壺輪迴望樂池
南哀響震窮天百物在明器千官虞夜筵流星
日月旗鍾鼓送行旃所次卽傷心爲語輒流漣
穆王雖老荒盛姬殊少年如何西王母白首佇
雲煙西賓庶無死東歸難自仙君看偃師伎徒
言膠漆堅

戚夫人

寶劍決雲氣零募亦何常不見沛亭長一朝爲
漢皇昔從呂公女今奏後宮倡中有戚夫人時
時陪曲房折腰步天裊翹袖頓飛揚出塞復入
塞望歸心自傷後宮齊高唱哀響入雲翔終日
不能言倚瑟涕何長心知萬歲後誰能憐趙王
千秋銅雀臺婉戀爲分香

秋夕

詩

亂螢飄熠熠蟋蟀悲何急納納羅衣裳冉冉妻
風入獨坐渺無言自起闌干立

湯考功招遊燕子磯別洞獨宿圓愛師房

六十韻

青春白日遲沉陰物色遽黯淡青華姿冷薄芳
時趨清齋饒稚卿出壑懷謝傳莽蒼誠自喜漸
車非可屨愁看雲物沈喜見荃蘭豎遠遊那得

期近悰差足御月夕乍披朗花朝擬容與茂苑
吾宗秀眷言賞心晤文樽一二好簡書三四寓
幸不懸長雨且復晞流露差池遶西泐晝靄違
東署直直臺城門灑灑明湖路萋楊流宿鶯華
萍起窺鷺始知春氣深及此佳期赴精廬且朝
食主人出延步寒暄三舉爵圓方一投箸分金
飽騎從更衣渴馳鶩先驅流食架後程需臥具

暄飈卷幃入陰煙承蓋度蒼疇地脉起白水雲
光布微麥洒陵阡疎梅映村聚時聞雉清叫忽
見鳧驚翥青江信明遠層城真筭固市擁鮫人
泣磯臨燕子唳葩華鳥瀾蹙澹沲崖光注磐石
似龜鼉舟船如鴈鶩春波正流美晝風翻起惡
且入閩陽洞相趨折蘆渡峽寫有根雲罅折無
伎樹落礫分委積崩湍轉流輸地蓋插箕踵天

標眩環顧時時席礪魄往往屨沮洳瞰空引一
竇盤渦有三處初行地響咽再入天光吐後房
竟幽燠久坐若清曙響像層潭府密歷潛達附
鏤鏤費鬼力窟宅由人遇常恐風波入閃爍蛟
龍踞通明暫揮酌愁陰且言去亭臯靡芳繁津
石流檀度不見銖衣拂但聞金策駐昔物豈今
存今人非昔豫芳遊難可歸官方各隨務單已

動禪悅初心愜遲暮畫閣諸天杪白路恒沙數
背崖捫削成蹠虛倚懸拄剡剡人上慄莫莫神
傾護深心蕩霞日遠氣冥煙霧鳴榔厲似織擾
翰歸如呼燃燈下山闕談經開釋部好相坐生
老勝韻遊新故凡夫偶問疾智者寧深怙林吹
稍流楚白月延心素中時飯色遠永夜香心炷
如經四遊歎初深一宿悟臥聽風潮翻起看蒼

莽互日出陰光隱花開世界露昨遊旣陳迹今
居豈常住心清卽事遠善勝由人助寄語賞音
流回還續芳緒

定安五勝詩

有序

敬覩縹緲錄大宗伯王公僊居瓊海定安山水
奧麗鴻清條爲五勝頗爲咏思某雖性晦天
海神懸仁智至如幽探闕采常爲欣言不覺

忘其滓懷永彼高躅云爾

五指山

遙遙五指峰
漸絕朱崖右
飛聳明光輪
嵌空巨靈手
疊嶂開辰巳
修纖露申酉
天霄煙霧中海
氣晴明後一峰
時出雲四州
紛矯首主人定
安秀晞嶽鑿靈
牖嵐翠古森
洒揮弄亦已久
方從吳會間
離離揣星斗

彩筆峰

五指發高華
地脉凌飛遶
建江輝藻筆
茲峰實竒矯
突嶂抵層雲
鈿巒撥飛鳥
葱蘢石笋大
刻削蓮峰小
翰林爲主人
含毫相緬緲
懸知東壁夜
直拄南雲曉
時時几研間
倒影來青嶠
何來玉字書
從崢映華表

金鷄岫

詩

綵筆凌峰雲清溪隱崖嘯離爲朱鳥方巽得金
鷄妙崢嶸冠雲石葳蕤被林峭非止金華鮮傳
聞昔光耀遠氣星潮引近色暎霞照送此翰林
人撫翼天門召羈棲漢祠影未振秦川叫暫此
鷄籠山憑虛舒聽眺

馬鞍峴

五指指南溟一指搖東境佳氣若駿奔奇石相

項領遠飲朱崖津高折騎田嶺精靈常五色權
竒非一景中有最懸石如人踞鞍騁秦鑿餘鳥
龍漢祠倏金影峴口發精竒噴玉煙華整白雲
起鞍中天門路方永

青橋水

海中有靈宅四望千迴溪偃宛丹石橋綽約青
雲梯西暉灌文馬東影明金鷄地脉素流美風

物并縈隄綠石碎雲日青苔沒鳧鷖春橋宜笑
語煙水足遊棲遠夢滄浪清憺言芳草萋朱門
若江海推排庶可齊

漢武故事

漢宮寵邢尹隔別不相親一朝尹自請帝爲飾
他嬪尹笑定非是不足當人君令邢獨身來故
衣無飾新尹卽低首啼知是邢夫人人宮皆言

美絕幸自有真當由得意後爲是故殊倫

讀張敞傳

長安多偷兒數輩老爲酋居家皆溫厚出從僮
僕遊遂有長者名閭里咸見優小偷時轉輪酋
長日優游安知盡看人一朝來見收

相如二首

相如美詞賦氣俠殊繽紛汶山鳳凰下琴心誰

獨聞陽昌與成都貴賤豈足分子虛乃同時飄
然氣凌雲臥托文園終不受世訾氛清暉緬難
竟遺書封禪文知音偶一時千載爲欣欣上有
漢武皇下有卓文君

令君有嚴客臨叩自清光王孫爾何爲衆賓臨
高堂足可富蹲鴟安知窮鳳凰幸然有好女琴
心能見傷峩眉揚遠山芙蓉留薄裝一身猶可

分誰能羞夜亡如何挂纓女亦學橫在床此心
當語誰此意難自忘兩好不終棲遺文來見將
但惜相如死誰念文君狂

京鷄

濶哉天地籠壯矣京城鷄擇肉人手中翻騰掣
光耀積貫始成常見童好驚叫風穴鳥王深安
知夜吟嘯

部中鶴

曲臺雙白鶴日賦十餐錢良爲升合資留滯江
海年傳呼卿出入引吭飛舞前軒墀看鶴人時
與小翩翩鳳凰猶可飼安得羽中僊

錦衣鳥

太常東署門連垣接親衛中有怪大鳥好作犬
號吠悲嘯無時徙吉凶湏意對非有伯勞沉豈

無子規廢開天殺人處陰風覺沉昧

茶馬

秦晉有茶賈楚蜀多茶旗金城洮河間行引正
參差繡衣來漢中烘作相追隨以篋計分率半
爲軍國資番馬直三十酬篋二十餘配軍與分
牧所望蕃其駒月餘馬百錢豈不足青芻奈何
令倒死在者不能趨倒死亦不聞軍吏相爲漁

黑茶一何美羗馬一何殊有此不珍惜倉卒非
長驅健兒猶餓死安知我馬徂羗馬與黃茶胡
馬求金珠羗馬有權竒胡馬皆駘駘胡強掠我
羗不與兵驅除羗馬亦不來胡馬當何如

胡克遜

人言西北邊有獸名爲遜性不喜獸鬪逡巡解
其困獵者知如此設鬪日馴近相愁來解紛陰

遭此人亦食肉寢其皮似貉花文嫩西州貴將
吏茵褥厚常寸萬萬笑何憫惺惺啼莫恨此獸
仁有禮錯莫身爲殉世有麒麟皮爲鞞復何問
宿浴日亭因出小浪望海

爲郎傷星紀江湖常久居倏忽過南海扁舟挂
扶胥隱隱岸門青杳杳天池虛培塿澹凌歷氣
脉流紆徐潮迴小洲渚龍鱗勒溝渠於中藏小

舟其外懸日車雲影蒼梧來咸池相卷舒孟冬
猶星河淡月沾人裾陰湯盪揮霍精色隱踟躅
濯足章丘餘沐髮扶桑初濤輝臨洧盤若木鮮
芙蕖西顧連崦嵫東眺極扶餘小浪亦荒爾大
波始愁予嶼舶自吞吐樓櫓成煙墟飛金出熒
火明珠落鯨魚吾生非賈胡萬里握靈精晻靄
羅浮外傳聞僊所廬玉樹如冬青瑤芝若栢櫚
陽鳥不日浴晝夜更扶輿丹穴亦不炎好風常
相噓白水月之津一飲饑渴除徐聞汝僊尉去
此將焉如

達奚司空立南海王廟門外

司空暹羅人面手黑如漆華風一來覲登觀稍
遊逸戲向扶胥口樹兩波羅密欲表身後竒願
此得成實樹畢顧歸舟冥然忽相失虎門亦不

遠决撇去何疾身家隔胡漢
孤生長此畢猶復
盼舟影左手翳西日
嗔匈帶中裂
啣氣噴溢
立死不肖僵目如望
家室塑手一何似
光景時
時出墟人逝香火陰
風吹啐啐上有南海
王長
此波臣秩幽情自相
附遊
竟知幾驛至今波羅
樹依依兩蒙密波聲
林影外簷廊暝蕭瑟

衙岡望羅浮夜至朱明觀

炎方已中冬氛氲煦南
畧名山紛我思隔絕遊
未擬江海亦何意謫居
欣在此沿廻石灣岍紆
舟水南止果得羅浮狀
坡陀蘊靈詭初行坦襟
帶平岡十餘里稍入向
疇隧夜雨冷山水木末
已搴裳草根半沮履嶽
嶇豈忘嘆念此孤遊始
緜延遠燿外片赤殘陽
裏不見飛雲末但覺飛
雲美矯若龍影升細若
鑪香起朱明洞天口水

葉紛旖旎路黑愁棲禽號林隱蒼兕襟袖石門
間餘霞青徙倚

陽江道中

恩春少佳樹向北梅花夕入門問小吏知是蓮
塘驛蓮葉落已久林塘映非昔參星到庭戶素
月沾簷隙促織猶在野無衣念行役炎州少冰
雪流光去無迹惟餘千里心間房眷幽客

檳榔園

熒熒煙海深日照無枝林含胎細花出繁霜清
夏沉千林蔭高暑羽扇秋蕭森上有垂房子離
離隱飛禽露乳青圓滋霜氳紅熟禁墮地雨漿
裂登梯搖遠陰落爪瑩膚理着齒寒侵尋風味
自所了微醺何不任徘徊贈珍惜消此瘴鄉心

讀延庚樓詩有懷

并序

臥冰橋李叟示其父所遊知名士往還詩草
成帙吳太守鉞詩最多其詩與字俱有法能
成其家章衮樂護陳九川徐子弼不如也吳
公有延庚樓士大夫歌嘯其上樓甚高廣今
爲他姓有書畫無存而李叟獨念其父所執
珍襲持護模榻整綴使後之人知百餘年間
臨川猶有唐晉人風尚不至以孔方兄驅除

子墨客卿也悲夫吳公爲名御史太守稱雄
豪當其時視李生貧老人耳過之酣噓不問
晴雨豈不謂於李生光重乎而卒之其字與
文李生之子反能惜而存之其親子孫至不
能存其一樓也歸其帙而重之詩

吳守棲黃橋李生宿青郊時時五馬來春漿布
闌肴好鳥無遷枝幽鳴常交交愁霖唱秋水深

杯對堂坳字矯若龍旋詩飄如翠捎置之吳市
中生綃泣潛鮫延庚發光響高樓凌飛颺惜哉
今則誰尚書紛已拋李生子猶存鈿軸明鯁膠
爛熳古痕色影映相闐抄翁沓錦雲連迸裂珠
泉跑安得携此卷登樓向星匏始知富貴兒不
如貧賤交君看古名迹常得照蓬茅

吾廬

大父喜書詩大母愛林池嘉魚薦君子嘉樹引
其藁藏書倏以火林藻積披離十載居無常辛
勤嚴與慈連石構川崎鑿翠啟堂基四阿長中
繩三門映重規文昌通舊觀東井飲餘暉出入
橋梁望鬱葱佳氣微層臺對金玉隈阡隱靈芝
吾廬亦可愛復此倦遊時

龍沙宴作贈王翼卿大憲

四明山海姿公才發葱菁英英霞表雲睽睽巖
際電都水從以清太府政猶擅遂秉北垣法一
視南洲彥道豈青衿闕風從蘭茝變文章旣在
茲典刑復誰先趨風大憲府就日禪林燕大雅
揚濁清深心及疵賤江遠暮帆急坐寂流鶯轉
恒沙虛靄微定沼空明炫真風良可挹沉憂苦
難遣看君凌霄骨流光開寓縣西笑及斜陽長

安安可見

題李伯東觀察玉嶺咏竹詩後

君家佳兄弟風義雅相熟列宿懸高天相望限
川陸清霜炎嶺外石門泉氣肅扶搖江以西過
我棲靈谷堂流雅歌韻路與椒蘭馥駟馬芝城
來一飯鍾陵宿玉嶺夜生白翰墨冷修竹輕稍
點染後煙臯坐如沐以君雲漢心澹我瀟湘目

從張相國桃花嶺敬次八韻

昔聞桃花源今見桃花嶺安知出世心居然妙
者靜山川動凌歷攝應在俄頃石室搖天牕花
宮注靈井心隨雲壑遠色與江霞靚咲拍洪厓
肩步駐鸞簫影逶迤黃綺事眷戀空明景問道
此何時汾陽氣方永

書瓢笠卷示沙彌脩問三懷

年年長干遊日日長干寺臺殿有風神園厨各
清異活水新茶出午鍾香飯至苗哉三住持覺
我瘦慚愧遺恨窄波毀江山缺臨視休官熱惱
路別酒清涼地座有三懷咲聊爲一舒臂忽忽
十年外塵集老身器恨未發心猛何得究竟智
逢僧劣供養見佛長悲淚念與紫柏師獨受雨
花記人亡少方便事在多零悴但見長干僧動

我長干意苾芻汝何來清標語柔致自言有生
役從師遠江市航頭白團扇曲中紫檀墜白團
奉清暑諸香與行廁軸卷如長雲上有瓢笠字
有瓢不乞食有笠不沾髻不淨蟻螂中那取蘇
合施傳聞塔新湧報恩燈復熾豈非最勝業未
是奇特事東歸見耆宿問我心何寄經典欲無
學歌舞時作技嘗參道林道難忘誌公誌昨夢

與懷人同乘鹿車戲

答藍翰卿蕭中

有序

立秋周仲先明府過此而後括蒼生葉榦至
始得翰卿所贄詩草并良書千言情詩三首
循之奧博精麗蓮岳不足爲其峭深蜃市不
足爲其光怪昔人覩靈光而罷賦讀雌霓而
盱衡異時翰卿以之矣如云名踪安可窮去

去勿復辭不愁久行惻寧無衰歇情誰令志
不舍長與古今愁高煙白日寒千秋長不虧
游媚性所拙慙悲寧可裁鑒已固已老狗物
亦難任勞思不能寐感物愁逾昨憤切怨幽
當令嵇謝掩泣夢賦色古味雋不無微長之
累如云或浮獻其逝識或浪效其昧姿或貌
常而道故或傳駭而理遺此語在鬼神中大

有響象至云傲無垠之大儀選自然之微理
悟返出門之車妙湛受輪之器可謂能言獨
詣如此退居弟子誰是先醒使人慚愧雖然
必有以報九日一問龍沙取道麻源可也因
而成詠感翰音之遠聞效同明之一照耳
五十今有餘百歲苦無一榮華悽後雕朋儕感
先暱初傷文賦情久臥煙霞疾所期動蒼莽此

意成蕭瑟不謂嶺海內乃有淵雲出玉瘁悲秋
九枚壯觀濤七勢與觚稜厲風兼羽陵逸靈光
疑以存鮫珠淚猶溢運往有生慮情來無竭筆
望遠慚空虛才難懼超軼桑陰殊未語蘭期忍
相失爲恭或師友謬引真隣匹我家銅陵下寒
煙生桂橘麻源動清淺沙城淨微密有客時過
門無人相入室笙歌慢亭外登高共雲日離居

恨伊始長聞見方畢將子尚能來風斤試靈質

丁未上巳同丁右武叅知王孫孔陽鬱儀

岳南侍張師相杏花樓小集蒲中藍翰

卿適至分韻得樓字

杳爾下春水陶然寄扁舟章門期舊好鸞岡恣
冥搜西山委層陰湛彼長江流時陽眷方美條
風歛已適蘇蘇楊柳津旒旒鶯燕柔客行殊未

央端居常有憂有客青蘭軒歸心能見留簪裾
藉朝宰履舄延宗侯飛觴指明湖解帶臨高樓
東西坐忘偶方員環庶羞坐久海色動莆中人
見求言同千里心豁此三春眸安知風雨夕翻
爲桃杏秋開牕吐飛雲竹樹鳴颼颼深聞自多
響眺聽此樓幽夕物歸餘清華彌道周江山
豈常日歡悲難豫謀且乘燈燭光追隨良夜遊

興懷永和作銷心河洛謳袂潔竟何與蘭言差
獻酬

澹臺祠下別翰卿有懷余德父用晦王孫
偶乘桃花源泛此章門水泥泥風雨生浥浥芳
華委上巳長林卧寒食青燵起淒涼江楚路留
連二三子王孫良可遊交情及生死遠意夕陽
外素謁寒花裡翰卿莆中來風義二千里含情

瀟湘素候氣關門紫迫趨苦言別興屬詎能已
我心冒河漢世路聊復爾有適動惆悵欲贈殊
倚徙皓鶴下蕪沒青禽唼花葢矯首澹臺祠空
傷昔人美

答陸君啟孝廉山陰

有序

某學道無成而學爲文學文無成而學詩賦
學詩賦無成轉而學道終未能忘情所習也

意鄉國士裁得以鄉國士相友或未敢與論
天下之士常偶一憤憤欲出於其鄉承下風
於四方之殊才而疵賤已久羸蹶日增行路
之難今世爲甚安得四出而望見其人其人
又安肯坐而爲某來者某府君至忽授以山
陰孝廉陸君啟良書大雅之辱爛焉千言引
重過至猝而受之惶愧泚汗已復驚喜自疑

豈天下士而亦可以一鄉之士友耶遊未能
出其鄉而天下士乃肯爲我先而至者古誠
有之何以得此於今此君蓋有意乎古人非
今人之爲文而已者譚文家之病皆非有餘
而于不足然矣思而陰不足于陽韻而陽不
足于陰自唐四傑後卒以不足病無有餘者
至于文之質生而已成虎豹之皮虹霞之色

不借質于犬羊羶曠必矣陸君體能文之質
了然于後人之所不足必曠然于前人之所
有餘誠從下風得時窺制作用以發舒衰羸
之思畢矣赤水珠亡京山璧在陸君勉之

幼志在詩書吟咀不去口辨稍窺文賦名已出
戶牖坐此實空虛學殖未能久文家雖小技目
中誰大手何李色枯薄餘子定安有國初開日

月龍門實維斗魚珠取何泣垂絲足干嘔有大
聊可觀無微亦當醜澹如星漢垂縹若煙波垂
天機常內斡神明非外守翁忽動生氣鮮芳綴
微糝此中誠獨知衰齡半百九行嘆昔人先常
思我躬後不謂崑山姿千里漏瓊玖興激山河
親意愜風雲受孝秀始無前羸悴肯相友長卿
已乘化雲杜欲稱叟念此發悲涕何時一杯酒

托契良在茲深心延不朽見子成大名江湖方
矯首

耆兒之秣陵懷永慶寺真空并傷遽見也
誰兼悲與智真空起弘誓隱映謝公墩濶契人
間世頭陀雲影外有珠在其髻亡子舊抽衣原
隰此兄弟淺深香飯色去住禪枝蔽遠以愛子
托永藉通慈衛腸斷寄江波深心與流涕

念大耋久秣陵訊王巽父堪汪生繼曾

無復倚閭婦衡門翳衰柳孰是在原人相憐不
相守獨身千里外薄命無好醜雖爲縣長兒饑
寒在身口况乃客單外僮僕安可久言之痛肝
肺道遠莫奔馳賴有遲歸信誰念速貧朽王翁
舊師傳汪生近昆友提誨動勤斯飲食復旨有
愛子得依仁因風愧瓊玖

清遠樓送平昌葉梧弟榦太學上都

門有千里客十年纔一晤長跼未終揖白髮黯
相覷蒼匆定寒旭造次及盤筯周咨吏民故迴
詳涉生慮淹駕坐清遠貧病日高倨雨漱寒泉
汲風動枯梧據疑析動今古宴笑連昏曙河梁
秋未深脂車良已遽起嘆歸雲疾時看倦鳥翥
此中不欲久羈棲復何處覆甌子雲宅擲筆金

門署涼風卷絺綌遠道理衣絮有美能不懷無
勢得相御風燴一時集氣色兩家與且醉勿復
談明朝送君去

生日詩戲劉君東

有序

余五十歲大張樂坐賓筵者十餘日而東君
乃云度六十避客不出何遽不出耶云病足
不能答拜能止客無拜耶明年七月予更當

過餘為君東滿六十因其婿王生試歸口
占誹之

彌月與試周開堂抱見客將養至六十反覆自
羞嗇爭先立嚴誓子婿動呵斥至期坐深隱如
賊恐人得吾聞欲益紀生辰人不識既識復行
避掩耳亦何益妄云妨拜起不令坐飲食厚積
不為樂餘棲亦可惜憶我五十時張樂度廣席

鍾鼓何嗶嗶賓從殊螿螿所獻卽同啖有拜但
笏揖謹祝若雷震看者如仙集半百已云樂况
此六其十六十何足避一萬四十日生辰聊爾
爲昔人日鼓瑟

喜小江饒翁榛六十

中春步遲日南榮望東里何意竹林塘乃有隱
君子結根旣喬木成蹊白桃李寬兮長者容樸

爾先民軌屈色少冠蓋醉語或玄史時因采藥
行每聽吟詩喜榮枯四十載吳越三千里過從
常日夕留連在山水靄靄春洲紅擘擘秋山紫
樂郊多種樹清墟時隱几物知肥遯貴道以觀
頤美方爲少者期舍哺老人子

送余成輔歸清流成輔遠遊求應世之技
而好語清狂勉之

客從臨汀來長流氣清穩簷躋古人事行色千
里遠念子來何遲吾生倏已晚采秀違春蹊搴
蘭及秋畹淅淅草虫嘆幽幽白雲返風霜遊子
衣蒲裨客中飯晤言深贈策時清動懷卷雅志
在山王無爲慕嵇阮

平昌懷余生裴中州并懷朱用晦

生德可
公子

池上久蕭索遲江通竹門刺促浮名子風塵誰

見奔恍今中有精妙者竟何論環轍聖所失端
居凡所存如竹隱深竹靜嘿無世喧寒色亦已
遠雅意在丹元斗西故王孫逝者悲靈根傳君
適嵩岳畱爲笙鶴言

陸元白岳伯宴作

長安曾滿堂良儔秀瞻矚風神傾一座微言謝
氛俗揖別知不忍托交心所欲搖落三千載舉

翅見黃鵠蔽垣限清切鍾球未可觸乃知君子
心風義一何篤樓觀動蒼遠巾帶時一束夜寒
風雨深涓涓注醜醜其政則米鹽其心則冰玉
坐惜權時晚起嘆更籌促感君清以凝將歸調
玉燭我覲不可常何由奏心曲

贈舊旰守吳淞張伯常觀察并懷馮公時

可

昔飲神姥井常眠簫曲峰鷄犬天中鳴煙墟雲
外春良哉二千石煙膏盈四封一葦臨川城遡
回安可從春風吹豫章燕眺承清容授以華亭
篇披豁生微棕素若月窺篠蒼如露滴松江靜
散霞綺巖虛出雲重寂寥僧磬聞時一聞歌鍾
馮公括蒼時揮灑與何濃淡迹到黔越開心見
吳淞長吟滄海間雲中成二龍

方鍾岳叅伯宴作

虛薄南都時奉常感撫挹峩峩清佩間揚休若
山立攬轡靜江海周咨遍原隰新安雲卧久起
滯風雷濕川嶺道路長澤國風繇習吏隨衡藻
淨戶覺萑蒲戢貂珥無殘木鼠雀有餘粒復此
鎮南洲下榻禮逾及把酒臨江樓江春去何急
遠岸歸漁樵晴雲動喧蟄薄俗理難定薇垣法

須執幽谷有鶯求中臺候君入

平昌射堂再葺喜謝掌故烏程孫見玄先

生

繫予爲射堂精華氣相迫列宿亘環互三垣炯
可摘時來風候清如窺月巖隙宮墻及諸子樓
觀滿六籍空知朋好求誰爲我躬惜猗與孫夫
子三嘆撫陳迹攄精動維斗決匈開震澤章甫

越人路絲竹靈光宅相於弦誦晨晤彼文尊夕
同人習坤靜大壯晞乾闢井逕虹蜺生戶牖風
雲積徒用感斯文無因佐于役戢戢魯諸生何
時射鄒嶧

東作懷周縣貞明府南昌

達人貴濟世知音常苦稀陶潛覺今是遽瑗悟
昔非雖云息交樂終悲懷卷違蘭陵賦雲物郊

干眷旃旂我有良友人傾筐佇前輝氣茂神理
清襟虛言咲微心賞暫所悅目成良可晞握別
動盈歲從遊霜雪霏燈燭醉餘寒蒸樵飮朝饑
鸞鶴從西來山水當鳴徽聊爲朝夕言忘吾天
壤機歲晏難久淹車馬送言歸歸來垂中春田
事遠荆扉野雉旣登壠黃鳥復飛飛袞潔方及
辰臨流振初衣爲問神明宰南洲誰見依

上巳前一日永寧寺同莆中藍翰卿宗侯
鬱儀孔陽孝廉鄧大素

發春如有期扁舟一遊此孤生寡儔寓禪寂傷
棲止何意風雨稠坐見春華駛殿含鍾磬濕戶
漬琴書委不言良已深覘蹊遲桃李所思猶未
遠牽洲泥蘭芷同聲百年內朱門二三子零落
在茲辰留連及芳齒念往夕無寐欣來動有以

交新謝輪鞅道舊延簪履松門留一晤海客談
千里未覺風雅頽乍擘衣裳起高花動寒色木
蘭漾清美開軒邈誰似遠道嗟何已物感陰晴
候人疑盛衰理龍沙往猶滯簫峰上難擬且就
聲聞醉將妨語言綺乘蘭希茂樹泛羽慳流水
所幸無俗物吳謳稍清耳蕭條隨曲終局促非
願始上巳卽晨遊明湖恣清泚

西塘莊池上懷大父作

大酉西南來林塘佇深仰一區常自存
當年人獨往清癯自古色行藏眷幽想
隱几松篁韻高歌鸞鶴響琴書久寥寂
桑麻歲茲長風霜喬木陰雨露丘園愴
伏臘記者舊天水遺真賞三嘆遠青緜
千秋發靈爽

送別駕胡用光年兄歸養

遑將亦有情微文恰相中蹇反幾何時
迤邐兩迎送共苦中年別况直秋悲動號
蟲悽近戶語燕飛辭棟期爲二岳賞相拈
九華弄發興自希有倦遊兼屢空僻居難
往書識路晞來夢心傷同籍稀耳側風謠
衆豈不避鷹鷂終知惜鸞鳳

答鄒愚公毘陵秋約二首

少壯亦如人逶迤成白首終焉世情外
知交復

何有忽忽遠書至惠我若瓊玖帶鉤水蒼碧晶
暉瑩人手小景縟懷袖長圖漲軒牖經營位置
清拂粹煙雲厚遠意動只尺念此盤薄久雙詩
氣色重契濶存善誘期我絲竹間微言坐深酒
鄴燕久爲物樓卧復知某旣感新知樂肯負雲
外友春糧白露月發興秋水後垂老適江湖高
歌傷南斗

脫畧山海嶒洗發煙林倩未覺吾生後常思昔
人先東吳不可致眷此愚公彥平生一字許寸
心千里見蹇予幼多病及老傷疵賤文情動孤
引著作終誰擅滔蕩自諧曲何悟傳清宴通不
碍名理幽將入禪變伎隨老師作梵禪流音囀
野興江雲秋蕭條思會面會面亦何常百年心
所遣

題帥淑人像卷爲陳侍御公子常州通守

淳卿作

涼風吹北門致敬來鄉縣柱下始長生堂中悲
聖善杯棬飲餘芬翟衣如可見庶連粉櫝親尚
闕蘋蘩薦桂枝滿朝陽棘心未維霰方此繫朝
纓猶憐故衣線

題劉季允先人吏部畫竹詞卷

劉生竹馬年高堂課文詞意取激清遠側竹臨
霜蕤就中筆則筆墨澹思有餘靡瞻十年所珍
重若藟書一朝發經笥跪讀淚漣如孝笋已成
班青箱望猶虛薄技何足永手澤良在茲俛緬
焯鸞姿哽咽趨庭時古色映毫末縹緗盈淥漪
撫迹起千念托素在一微昔眷含香澤今承防
露晞足示狂馳子父書棄如遺徒傷生者意逝

者亦何爲

王宇泰索周雲淵遺書檢寄

周生亦玄史專門在窺天知星苦無覆靈龜常
不全自解周髀術相遺神道編謂余夙深慧指
顧忘食眠余乏煙霄眼仍愁風露年罷筴等亡
羊懷書猶在笥何因遇王子精思入雲淵絕學
從所好傾箱爲致船玄文今已矣妙者庶當傳

平昌送何東白歸江山

有亭

何翁曉江山人壯拳勇任俠常手殺劫賊數
人以他故爲縣官所侮憤恨去道遇竒客口
授禁方曉不甚識字重聽而視脉傳藥輒效
乃更爲縣上客褒衣危冠侍藥平昌與予朝
夕者五年成美規闕都無一語及私敦然長
者也予聽獄或笞囚過當輒意授曉視之無

恙而後卽安民或鬪毆相殺傷赴庭下輒先
付曉謹護之而徐聽其訟亭中有繫人常與
錢曉貸其藥以故五年中縣無鬪傷笞繫而
死者縣中人莫知也縣無城嘗夜半虎傷童
子急呼予予起燎逐虎召曉取巨勝膏漬墻
茨中蠕虫襍藥灌童子愈時有十全之名予
問之曰曉何能盡然不全者不治耳數語予

公廉而倨寬而疎某富人某勢人當爲亂已
而果然曉常用爲介介嘆曰縣人何薄福相
耶曉初無子故不治生產歲焚藥券者過半
晚生子數歲思歸江山而予亦且上戊戌計
去不能畱也一縣中聞曉去無不遮泣願少
畱者至吏卒囚伍咸爲愴然予悲而餞以詩
曉後一過予家老矣猶從使琉球治其王子

婦女應手效國人神之得其海藥以歸市之
吳吳中士大夫多授其方焉

市隱今無人江山有東白少壯類豪漫老大務
敦憚偶回救世心一試懸壺迹雖少隔垣耳能
知數歲脉賣藥常以施問病每如嘖有奇復深
穩無厭普調適腰腿謝車馬婆娑赴朝夕典衣
時爲人解紛翻借客出入在府寺談笑賤金璧

洞戶無可猜通都相莫逆口語無入損心事有
天益倉公乃生男扁鵲不受刺忽忽動歸思移
家舊泉石嫗孺走遮挽貧病轉愁劇暫爲來去
期終以江山隔五年予憇茲朝集限于役遠愧
全活手去爲人愛惜羽翼何以報肝膽在所積
昌溪眷餘想遲汝一迴展重來不在茲停雲望

歸鳥

詩

玉茗堂全集

玉茗堂全集

臨川義仍湯顯祖著

詩

五言古

過洪陽先生叢桂軒望仙有作

張公世名德映響若金鏞西叟明大象東丘感
猶龍全神會日母揚靈覲天宗厥友惟鄧君深

詩

三卷

一

松映芙蓉紛吾托根淺華葉常苦穠閱技止外
獎祈道乃心恭代斲自傷指傳薪寧改蹤僊檢
已如期勉矣青霞峯

答梅季豹問臨川舊遊

亭亭豫章木結根臨汝崖春年會擘鬱積歲稍
萎蕤隱屏不中材歷落自成圍中心殊直理外
象多橫枝故鄉有言鳥爲雛常此棲蔭翳成魂

魄瑩潤出聲儀寧言卽啁啾于棘遂翻飛本無
媚枝葉况乃盡風微如何遠竒翼乘風能見歸
雖無珠與寶庶幾從鳳嬉

南都懷舊寄高大僕

清氣日流滅微生多激昂鼎鼎持一身落落行
四方處世乏明膽懷賢無肺腸吾鄉高少卿前
時帥清郎十年禮傾握一字情飛翔高卿各理

近帥生風性長欣吾疊斯美薄遊歸不忘雖非
天老隣都殊年少場亦復興瀾漫何止行馨香
深言未河漢古色猶清揚我行夕火中誰知今
雨霜感此星歲移念于雙荷裳

雨花臺所見

冉冉春雲陰郁郁晴光竺取次踏青行發越懷
春興拚知天女後如逢雨花剩宜笑入香臺舍

頻出幽徑徙倚極煙霄徘徊整花勝態隨驚蝶
起思逐流鶯凝美日乍延盼弱腰安可凭朝日
望猶鮮春風語難定拾翠豈無期芳華殊有贈
持向慧香前爲許心期證如何違玉纓沈情擊

金磬

黃岡西望寄王子聲

白露滴江城江聲遶秋至心賞不在茲幽芳渺

難寄木葉號蟬悲
水荇潛鱗戲日氣
淡芙蓉雲陰生薜
荔栖栖王子情
默默楚人思未及
湘纍醒且共蓬池
醉遙松起暝色
虛竹警寒吹物往
年序遷情存風景
異樵歌歸影遲
新月忽在地

新昌阻雨夜宴朱明府署中時度四十七

客行苦無棕迴旋
有淹疾結課來
越州逢迎繡衣
出東關望嶮邑
嶮邑風吼木
術擺掣江海雲
晝

夜雨花溢衣被徒束濕冠帶已解漆
屨尺天台姿津潢斷非一月巖了
在眼正恐夜離畢賴有佳主人
端居許容膝芸香餘護衣綠蕉
軒散帙流連秋水詠黯淡愁霖
筆乍覺雲氣疎旋聞雨聲密淹
歌永涼夜慙逢賤生日半百猶
在茲倦遊心所悉鷄鳴動如
晦草根悽蟋蟀暫得爽莓梁去
訪烟霞質

未抵嶮數里阻雨仙岩詰朝留新昌作

江寒風雨飛仙岩氣虛碧崩雲沉戶牖衝飈蕩
簷隙孤亭下車馬濕裝開委積燼衣寧及晨蓐
食且茲夕安知夜淋瀝滅燭移枕席恐爲奔湍
阻侵宵警前策抵嶮日逾午刻棹興非昔黽勉
向津衢新昌暮留客信宿何足難去住亦取適
知是淮南豪家世江右籍維揚豫章門水木如

不隔欣言領幽意南巖候輝魄極日莓梁滑路
迥桑洲驛畧約風雲掀始覺霞標赤軒署復聞
敞消散流寓迹豈免廚傳費用慰山水役佳期
良在茲秋光灑蘿薜

古意言別右武

佳會良燕樂厭厭宜密親大醉亦所戒相爲貴
此身出門卽長路况乃在風塵將雛曲方撫白

華音正陳近遊得將母遠行祈事君意適豈假
物心期難遇人追從不可得孤遊惟自珍

麗水風雨下船棘口有懷

石城雙水門落日遠江介春潮風雨飛暮寒洲
渚帶流雲蒼翠裏緒風簫鼓外分披悟曾歷合
杳迷新屆宿霧緬餘丘生洲隱遙派地脉有虧
成物色故明昧曲折神易傷幽清境難會江花

莞流放岸草悽行邁不見林中人自撫孤琴豈

秋雨九華館送屠長卿便入會城課滿

課奏常有期牽絲卽前路出門侵雲嶺嶺根罷
還顧爭吐野渡急印牀人吏護簿尉前致辭餞
筵中馬步落日九華館前臨七津渡堂北翠當
牖雲霏內源樹四塞山浮近一夜雨奔赴接日
何曾乾噫風數如暮枕衾移白晝哀壑繞牀注

前旌亦有去烟炊隔隨住居人疲應接省事示
長素問俗葶收晚未礙山田雨生事隨水源清
時少門戶相對如標枝暫此息文簿得從東海
生歷落省遊趣焚香烟雨外側誦淨名句且以
永今夕持燭及清曙晦朔境未出信宿覺有數
爲霖恐後時會欲披雲霧

望羅浮夜發

我以適窮髮日氣動海水浮羅落空影結念自
此始山水何泠泠斷道百餘里烟墟有餘姿層
陰相倚徙落日朱明館林下宿盥洗攢巒暗星
闕招搖側東指中夜若有人弄影風霞裡首建
芙蓉冠清嘯激林靡披衣天門外幽篁聽山鬼

送黃太次上都

久從州縣羈偶爾江湖放生事鮮勤渠朋倫或

寬曠身世杳凡存河山輕弱喪實少新知樂空
多舊遊悵忽忽醉言醒有客流高唱精神近修
雅風微遠駘宕何來空谷音都非世人相呼見
侍清切邀賓與玄暘何止發藏書直欲傾家釀
參星良夜中十月寒江上自言交匪今沉冥心
所向風煙良已積江山此彌望蕭條沈思與留
連闕歡償叢蘭霜委浥岸菊風微颺晤言燈燭

深明發波濤壯居馬謝孤癘誰爲發清况遲爾
歲華滋寒香生蕙帳麻源殊可遊靈妃方想像
奉寄趙仲一真寧并問達師

遊道日以迫權夸衆所馮我思一何迴朱絲玉
壺冰古人不可問今茲誰見應無期遍燕越有
美自齊滕丈夫偉容髮赤子重廉能五載半在
馬卽事常撫膺賦粥遶墟里持籌正井堦寸陰

課桑棗尺水占蓮菱城池香以拂馳道蔭如繩
手疏濁河理笑見嘉禾登流粟欲紅腐還昨豈
虛增波沱下膏霖畧約上風稜農桑幽舊俗臺
閣傳中丞詎剪甘棠憇深存圖史徵明君皆可
法爲令足師承遠彼西北道濶此東南朋傷錦
自刀怯爲棟豈荷勝虛薄復何意清通蒙見稱
心相婉變畏路兩凌兢一知殊已足對客良

日矜九州晞北驥六月望南鵬塵泥忽森灑風
雲竟掀騰山公一戲事流品再清澄結夏雲已
峻兼秋氣何疑自公亦玄史有師如白乘儻爲
長筮客知非紫衣僧好相山河影陰光且照燈
同心消語嘿爲道割欣憎林泉風正落河嶽雨
初晁念往側西笑懷來中夜興但得存江海無
勞問斗升

奉寄李峴嶠盧氏并問達師二十韻

江上九蓮峯天門對江起風帆下孤客清光映
遊子相逢非有期相看乍成喜便與醉連榻何
但驚倒屣融霜冬日華衣繡江霞綺雅意薄身
世微言及生死形開法象外趣入清微裏往往
宦遊人依依說名理如君中有真使我窺無始
去別長安道歸涉新安水愛而不可見清言猶

在耳再逡朝朔事一擲飛鳧履光景或留連幽
芳相倚徙感時付三嘆懷人動千里盧敖天正
迴關門氣應紫但取兩同心未須齊一指如聞
紫栢師亦覲青雲士威光常半笠梵唱卽盈紙
一切自匪他兩行是因彼何得往叅承百年三
笑笑

送馬仲高入都并問區太史鄧吏部梅嶺

詩

馬生千里姿游閑氣清楚來從海珠寺江光映
重阻相逢邈河漢留連及羈旅北望且悠然南
裝應幾許冬服委輕織春衣餘白紵時復夢鄉
路高堂離寒暑直欲翻炎溟何緣避風渚長歌
燕市醉短劍吳門語世路今何如天池此一舉
垂楊依遠道遷鶯動儔侶蒼梧舊所歷長安有

八與海目迥清曠韶陽美風緒惻惻江潭人梅
花相憶汝

奉答勅喻張克雋明府

微生夙嬰患趨庭迫章句披襟未窮歷吟諷已
入趣稍涉王霸術妄意清時遇逶迤江海心
躋風雲路得貧還自驕夫官非我素斷汲移沙
井休車倚庭樹常恐交知絕不獲賞心晤長天

紆物色空谷知人處客言神仙尹振鳥龍池墅
秋清散明月春陽靄芳露琴歌紛有適簡書澹
無慮高情難闋寥雅意在延佇傾風有近遠賞
氣無新故直以微細質側承君子顧儀文物兼
金惠心深尺素徒知私自憐何期遠相慕白露
滴秋水伊人宛洄溯聊用倚逍遙相於及遲暮

止周叔夜嶺行并示丹壇諸友

羈栖遊嶺南所適一何遠何止遠道嘆桂瘡劇
冬暖去心在行旅來筮得往蹇與君千里期顧
我一何晚入門迥驚遽晤言深委婉起坐夜常
半欲去衣數挽燕歌情易摧湘騷韻難反多病
髮有白少營心未損何得攬眠睡亦復減餐飯
心知爲誰設眼見非予付會是侶山王未及遊
嵇阮中冷謝貪水內熱傷炎坂罷謁蒼梧道晦

息幽蘭晚來成呂生駕去作子猷返曲壇多道
書荆扉且愉偃

送魯司農還南漳

上林非一樹逸翮有同林忽逢春氣美因聽黃
鳥音憶昔乘雲翔凝華散簪襟晨趨建禮月晝
息蘭臺陰年髮方向盛意氣亦交深洗刷自清
漢何言有飛沉冉冉二十年悠悠方寸心寸心

紆北闕羈孤並南粵枕席氣清遠江山候明發
蕩舟星巖遊留筏海珠歇側影羅浮外洗氣蒼
梧謁落羽傷炎洲蠹桂迷烟月丹砂不可問清
淚銷人骨失路自相親况乃在窮髮窮髮飽經
過拚飛出網羅漸有風雲氣翻增遊子歌新安
水清淺括蒼山翠多揜予垂錦製欣子得琴和
長嘆拂虹霓相憐慎風波蹭蹬亦何爲有人山

之阿明玉豈終泣上路君鳴珂鳴珂復揚汰徵
書出淮沛旣奉潘輿喜復上司農最三載隔思
存一夕良宴會高閣動春酒平沙方解帶天入
斗牛淺地蕪江楚大高歌碧雲合罷望朝躋蒼
南浦君如何冥鴻寄江外

送謝曰可吳越遊

與子少窺帷齒至或箕踞嚶其綺樹思塔爾枯

梧據高牕漾文几連牀接清曙蕭朱晚何及機
雲蚤隣庶艱難見真骨拓落遠騰翥豈下西曹
秩獨上東朝疏有才誰不傾無勢敢相馭歸軒
月幾望文尊日將御顏髮看未足矐矐告我去
有美爲誰併盈盈欲相語帝都良可樂吾鄉苦
生慮予亦老將客攀翻復愁遽同遊心莫展獨
往世何與未果來歸日且定思存處遲暮及佳

期江山肯猶豫

留別江院林公

憶昔豫章門鳴絃布春徽秋河不及擘南斗有
餘輝霞埃結奔想長嘆阻修畿歛來舊都遊
皇居接雲巍龍川密攏帶鯨海靜雲飛借問使
者誰冰玉繡爲衣飛書畱近關咀蓋下遙薇高
門無醜顏令德孰不晞向夕動深歎持用慰朝

還如銅墨時清言振霏霏溥露適所願徂暑
眷將歸和光旣云苦勝戰詎能肥貞松與蘿薜
茲理庶無違

離合詩寄京邑諸貴

垠玕豈不珍玉屑竟誰飯檜樹鬱冬臯木葉辭
秋苑衿曲自悠悠衣帶日趨緩乘月望風霄人
遙尺書斷

哀麋帥

世亂足張功時平寬養望恢恢儒者雄心兼將
門將處勢辱爲下投巖功始上成事豈因人循
聲須本量從來武功爵二祖或明兩向後多目
色豈取真級仗寄子屬中官籌邊歸上相平北
上雕勦征南奏禽蕩紀効非有律置對亦無恙
一功性命抵百事金錢傍此公無中人何得亦

血浪圖墜末思窘累至前縈長我觀賢智人蟻
穴存周防稍爲世業誘少復全名償一心抱中
孚庶幾省無妄

送朱學使江西并爲廬岳之期

握臂豈無人談心非所罄我友朱司功冰凌骨
色稱精入世界理渺含人外興疎燈坐蕭瑟微
言動笙磬及此暮之春忽枉將離贈青衿久相

待追琢必鮮瑩應須校錄餘稍及旌于定琴書
既靜好雅俗殊風聽投分必標呂下軾帷張鄧
幽芳鹿洞啟靜響龍潭應于役在江嶺獨此事
弘勝遲帆宮篆雲久屐香爐徑倘懷煙霧姿歧
予素心證

送方侍御視學西川

新安江水清南國美侍御寶瑟汎春祠朝慶入

清曙偶爾鏘佩同未有風期素徒持清白心點
君簪筆署悠悠思莫往踟躕眷將去柏棘南臺
門桃李西川路禮殿今如何文學漢宣布倘逢
金碧影爲報祠官賦

送汪仲蔚備兵入閩

肅帝金天精庚戌秋八月七日子生辰再七我
如達是月太白高大臣有誅殺云何旬朔中受

生多穎發子共毘陵顧我同柏舉梅清節顧能
立瓊林梅並開今皇二載春邁子北容臺十
年南署郎子真文武才子始上春官都亭逢折
簡歧予謬通籍驚見若同產封章口不言世人
心有眼拜秩南太常周旋映圭璣子旋謝病去
握手清漢門蒼蒼古龍山輝輝寶婺源存書字
豈滅三歲心嬋媛予遷主祠事君還眷客軒顏

蕭疎文言自清整止酒爲君開加餐意吾
領時時步雙闕夜夜捫參井滄江臣子心鍾山
帝王影鍾山烈以神石馬含風雲軒轅誠可畏
蒼梧如有聞是日日南至清齋緬靈氛報子得
高遷往憲興泉軍念當江海遙豈云歲華暮昔
在遊鄒呂未嘗隔昏曙十年幾相見夢靄非明
晤人生豈無期交遊亦有數卽知君子交凡百

慎所儀燿波日云遠素絲良不欺與君偶同辰
悠悠心自知惟當白露月清酒祝吾私

丹陽度廣陵懷古

太伯昔讓王光僚遂相踵東南天子氣撫背看
龍種丹陽久已塹白首終何擁不少鄒枚客徒
嗟燕子冢風燿井逕絕朝夕寒池涌千載復蕪
城江山罄餘勇

明孀篇爲司農郎武陵丁君有周母夫人

作有序

司農尊人尉蜀名山死夫人哭失明常禮北
斗大士像司農亦誦經祝母願代竟得李生
針復明士林歌之

含潔就鮮水孝始燃光燈何如楚梁母正渴丁
公藤金針付靈藥李生夸國能藥有松明氣針

以金篋稜刻屑事偶爾神明心所憑夫人晝哭
時名山城欲崩哀哀司農兒飛章時上升似有
飛童子空中傳聖僧一撥雲霧起再撤煙波澄
向後足久視不須人寢興北斗倍瞻仰大士常
服膺何止眼爲名身光亦飛騰江漢此靈異冠
帶相嗟爾安知丁孝公遙遙非武陵

鬱孤臺留別黃郡公鍾梅時李本寧叅知

引病并懷

達曙臨高臺清風朝日舒江光麗城闕龍變西
南隅崆峒當我前僊駕無由紆水東映龍影透
迤青若趨原泉廻豫章雲氣連蒼梧嶺海軒櫺
間遠勢若可呼集合五方人割立四州樞鼓角
中天鳴公府鎮文儒龍門不可見雲杜將何如
蒼茫洞穴中砉然成古初黃公所行縣冠帶十

數區十今四三年煙火稱名都
解宇何鱗次人語襟川途方州
仰流粟物土驚華腴信美不可
留飄飄安所須皂蓋吹雲清翠
玉含煙蕪炎洲方橘柚高宴深
茱萸似昔黃次公高齋遊鳳雛
初矜逐臣遠猶憐僊尉殊佳期
晨夕淹懷人煙月俱搖心躡光
景長嘯凌虛無何得此高臺千

次名鬱孤

虔南津口得黃郡公扇頭明月篇却謝

風物想南都波濤向東粵晨登鬱孤臺蒼茫度
城闕寒帷自遵渚幽芳坐林樾忽枉人吏來新
篇贈明月徘徊青桂枝宛戀流蟾窟凌寒秋色
晚入夜河影沒東井流清光南溟照窮髮佳氣
有迴合輕霄時彷彿感君卿月姿悠悠眷清質
紈扇豈終掩蟬娟恒自出還以海中珠來投漢

川橘

飛來寺泉

峽山雲氣深松栝參蒼徑縹幡遶屏翠闌干抵
一凭山僧日影過禪房點清磬冒爾寒泉下冷
然愜孤聽近音風葉灑遠韻蒼梧應小品甘露
華長流水晶瑩曹溪脉陰引炎岡冰欲凝稍動
寒漿色雅與齋厨稱花木恣涓滴竹秒通餘騰

經聲法流湧猿吟峽僧定瓶鉢住空影尋常傾
最勝何意熱中人洒落飛來興

過魯嘆

有言常不知世智非所期孔子亦何人鳳兮真
我師弦歌悅匡邑大樹惱桓雅微服良已苦塵
炊旋復疑豈不懷古懽生今此一時但見路如
織那得轡如絲老子既西訪盜跖亦東窺居夷

只如此泛海欲何爲

鄒嶧

亡麟止東周有孛行西國悠悠交喪時豈辨儒
與墨依稀顏母山孟母居其側子輿幼希孔俎
豆嬉何飭三遷豈忘報闕宮尊鬻食刻像墓門
前擁涕機中織故無牛鼎意近爲馬遷惑燕齊
多迂怪三騶同伏軾始知仁義人浩然不可逼

或有如此丹青思維則藹藹宮墻深叟叟松
栢直玲瓏望嶧山朝陽千古色

戊戌覲還過陽穀店覽丁亥秋壁間舊題
惘然成韻示趙滕侯

伉伉南奉常報秩此停馭一言怒公府萬里辭
春署海慚僂尉姿縣愧神君譽所幸無愁嘆琴
歌足容與來朝正月朔得奉春王御偶隨還縣

牒復繞清吟處開燈墻面塵岸枕窗楣曙身名
良以悠歲月何其遽俯迹自沾衣驅車從此去
勉矣後來人當知心所語

夢覺篇

有序

戊戌歲除達公過我江樓弔石門禪登從姑
哭明德先生往反巳亥上元別吳本如明府
去棲鑪峯別予童門予歸春中望夕寢于內

後夜夢床頭一女奴明媚甚戲取畫梅裙着
之忽報達公書從九江來開視則削成小冊
也大意本原色觸之事不甚記記其末有大
覺二字又親書海若士三字起而敬志之公
舊呼予寸虛此度呼予廣虛也

花朝風雨深同人醉三市尋常獨眠睡此夜興
偶爾鷄鳴床帳前何得小皓齒瘦生巧言咲青

衣乃裙綺窺帷映牕旭歷爍如可喜忽忽堂上
音云是達公使有書似剖劓印以金粟紙裝縹
若禪夾璘璨字盈指床頭就披盥開讀不及几
似言空有真并究色無始迭末有弘願相與大
覺此向後指輪筆自書海若士如癡復如覺覽
竟自驚起達公今何處宛自宮亭止起念在一
微九江有千里達公雖心通何得便飛耳感此

思念淚如花墜葢中觀誠淺悟大覺有深旨
瓶破鳥須飛薪窮火將徙骷髏半百歲猶自不
知死頂禮雙足尊回旋寸虛子

爲浙司運長陸公受命三世題卷

南陸亘天半東吳滄海餘華亭警清唳崑山留
片璣璇流自方折峩峩中大夫通材何茂明本
性則貞孤鳴琴出清豐水部鏡陪都專城坐已

貴筴海道何紆磊砢三十年貌古中亦俱豈無
同年友高爲朝市樞教忠非教諂獨立時步趨
誰憐驥之子兩世伏鹽車小往大必來龍夔理
所湏果以四考甄兼之八命殊三葉被天暉名
卿或不如寄言忠孝子世路每乘除

亡書嘆

兩都三十年買書幾千帙存亡遞抄寫頗亦費

筆校壽無停晷金石銷弱質苦成文士名粗
與時賢匹愛惜復何意壯志未云畢念此益人
智候彼承家一高樓留丹青以擬蓬萊室歸休
省人事卧久玄思溢期間理籤軸半百永餘日
安知雨痕深并與青箱失龍門幸未腐羽陵聲
將佚聚散理常然低空抱吟膝

答姜仲文

詩

白日不可常孤雲亦何媚萋芳淡遊子流泊世
所棄事去息交久書來喜君至愛日生寒姿停
雲起高超經營二三月颯還豈遑避驚看就長
揖道故如失志相聞善爲樂相見乃憔悴爲文
寧自傷情多或爲累感君珍重意承睚不能淚
在沼魚何樂先秋葉難翠長歌聊復聲短袖時
一戲今日眼中人何年心上事

再別仲文

南國有儀刑東海一氣候昔事宗伯公道業在
宇宙如存鍾鼎姿得奉夔龍袖樹德豈無前達
人真有後誕我通家友濬發在其幼燭銀揚光
陰冰玉相吐嗽萬里心常在千秋業垂就非惟
霞綺鮮轉覺風流厚遊刃日知新下車歲存舊
蘭思未敢言衮衣將我覲涉江空緬邈零露非

邂逅把臂未終揖忽忽嘆我瘦將無歌咲疲豈
爲衣食構未少噓寒石終多出雲岫悽然謝不
敏苦樂罄所受容髮過半百敢辭白與皺中懷
行復語隙陰非可逗於君覺有情勸我學無漏
我友達上人英風露禪秀舟攜卧風雨此事相
擊扣同心旣云往獨影誰能究但自修止足偶
亦存善宿狂思風落山微情石穿溜世智了無
取小衰當復壽迥迥百年歌臨岐爲君奏

嘲真州友人李季宣

我友江南人雄捷冠知識能笑復能言能飲亦
能食衣恰好輕嬌浮光滿容色忽直庶人風眉
脣改初則對鏡苦不怡逢人恒欲匿憎醜乃重
傷矜好已前惑及此器未虧當知重爲德

聞比土饑麥無收者

關河昔泛舟，汶洛今懸磬。方茲隴麥稠，已絕行人逕。餘芒上拂冠，棄桴深隱徑。河上積尸明，田中穀王勝。小蹇運新洗，太平氣須應。但使夢維魚，寧須生玉甌。

戊子春

南都昔佳麗，太學曾紆軫。士女接春游，清郎陪勝引。俱稱石城樂，未問長安近。重來十星歲，颯

沓歡意盡，豈無春日遲。常似風淒緊，素屋少生煙。紫陌多流殪，耳目都非是。言笑復何忍，况此官行疎。但覺吏議謹，在清豈魚樂。吾遊非雉隱，忽忽清齋罷。林行拾青菌。

饑

西北久食人，千里絕煙影。如何江海氣，遍濕東南境。越人苦蛟龍，吳都復蛙黽。鳧茨涸濱澗，解木

皮盡蹊嶺由來三輔民仰粟二西省所在亦中
熟津梁各有警江船絕盱贛楚粟慳衡郢陵麥
青未熟香秔種猶冷底春歌已斷涉夏饑殊永
淋滲傷雨氣滄茫視風景京尹裁施粥市人稀
說餅心蘇流殍積色沮俘庸騁江漢漕方下水
衡粟已請且賜今年租徐看水田穎

內弟吳繼文訴家口絕穀有嘆

巴丘有再獲瑯琊豈豐糶萬端給一口常爲饑
鬼笑幸堪童子師筆舌苦難掉汝祖長沙王漢
冊遠有耀千秋子孫大舊日衣冠妙先疇近零
落莓田苦曠燒變化乏工本打勞復沙剽今年
普天餓非汝獨愁吁河海半相食木礫飼老少
雖然發臺穀幸自息流嘯地產覺今疲天意敢
前料海珠不受採河魚將息釣積著漏奄戚屑

越流邊徼池竭每自中沙墮直緣峭木賜江南
租久讀山東詔秋毫自帝力害氣吾人召汝等
牛一毛生死負犁鋤芝蔴同婦種豆虫須裸照
冬稔如可晞休車有餘醕

江西米信

半罷倚宜崇合路承盱贛數載年谷多出入頗
流濫云何忽饑貴小斛千錢甌所在津梁絕似

有流備瞰家君勉調濟寄書教省淡江湖氣方
急牛女星未暗契濶江乘人喧趨米船纜

寄問三吳長吏

鍾陵今若何帝都非可問白骨蔽江下赤疫駢
門進豪家終脫死泛戶春零燼人多地欲瘵物
極天爲震嘆此開天域作鎮京吳近河朔仰津
濟江東紆轉運諸君股肱地朝廷肩髀郡德星

青未沉早晚照吳分

疫

以上七首戊子巳丑間作

西河戶若魚東嶽鬼全瘦江淮西米絕流餓死
無覆炎朔逝烟燼生死一氣候金陵佳麗門鞦
席無夜晝腦髮寘渠薄天地日熏臭山陵餘王
氣戶口入鬼宿猶聞吳越間疊骨與城厚宿麥
苦遲種香秔未黃茂長彗昔中天氣燄十年後

乘除在饑疫歟泄免兵寇恩澤豈不洗鼎鬲多
芴漏精華豪家取害氣疲民受君王坐終北遍
土分神溜何惜飲餘人得沾香氣壽

李母詩爲彭生作

星氣美中都溫泉臨古滁良哉二千石延安今
則無自有賢夫人鷄鳴相其夫時時親女工一
一窺圖書終以寒女心從容汶水隅五馬行何

之歸視堂上姑箴管日在側脂膏誠有餘尊人
忽已遠清房行復徂青鸞爲子孫樹羽各扶疎
誰謂棗榆光俯映朝陽梧兩見戊子春載過長
夏初王母坐花勝侍女紛離瑜云是郡夫人年
初九十餘燕喜方未央僊靈源自殊母家苦縣
李夫是彭大夫

北河傷鴈付芻寺僧

鴈

群鴈帖水沒還出越逐才
波影橫箭幾爲弋所留復爲漁所羨偶隨風勢
落安知雲影斷相悲常恐及相依肯畱玩未絕
飛鳴分代彼作慈觀願依大慈力出箭入雲漢
普爲射鴈人無生可令患

送詹參知督餉思歸常山

詩

風土無睽曠交知常阻修自我爲兄弟興言二十秋何況常玉山壤接枝相樛平昌昔傷錦出入在龍丘徒申式閭敬未果傾蓋投忽忽來豫章我覲如舊遊榮落固以遠顏髮亦何適五十慕慈母語及涕不收知君孝義人所至篤以柔于役事軍國紅粟常千艘星言及春波賓御爭獻酬中江出陽鳥于淮恣歸舟紀綱在維楫潤

宜安流肯哉君子言世物緊所求出身苦疲病雅意良優遊時勤損益嘆略與乾坤籌同人或語嘿未濟難樂憂諒隨詹尹卜靈均安所謀同仲文送青田劉生還吳有懷達公

事業不可爲君子薄時勢那知天下士動輒人間世弱冠殊澹蕩及此傷年歲畧涉區中緣每直雲外契知新但含咲念往常悲涕人生虛有

夢世界實無蒂一言太山重萬事秋毫細我友
丹陽彥愛我心無替相見動驚瘦相憂及危脆
咄咄劉生白道出文成裔黃石剖遺訣蓮華敷
半偈清齋自童子高冠側環衛頓挫成一擲沉
潛發孤詣石圃亦竒人得此爲兄弟三遷出吳
會攬結皆蘭蕙霞高赤城燒鶴遠青田唳颯來
江上游雅一孤舟繫眠隨沙鳥淨坐覺山雲霽

憐予貧病姿問我抽珠髻空虛了無受名身復
何計大有竒特人教作深弘誓夙聞如是言憤
嘆一投袂及此老湏眉復是少智慧飄空念亡
子在世如贅婿交初語言外苦甚別離際光景
昔如來達人今善逝送子獨臨崖玄津方鼓柂

懷遂昌辜明府

粲彼河陽花翳此柴棗柳叱嗟誠一時千金敵

如帚刀新付全日錦傷歸妙手道引清源潔氣
與溫陵厚冰雪明高堂雨露深疇畝虎檻豁已
除鹿蕉訟希有自秉丹石契何似青衿友羣山
高隱天一邑大如斗琴歌君子堂流風出溪口
始覺珠玉前仍驚簸揚後遠音發疵賤心知寄
瓊玖側側含謙尊依依惜貧朽宛變吏民意感
激爲君壽拜最及春明雲霄方矯首

同于中甫兄傷右武并別

賢愚迴貉丘河山思蟻壤飄離性有適遇合趣
無爽追憶齊年歡粗知十年長輕葢排風游高
裾集雲賞

雲賞復風馳出入何霏霏鸞鴻映初采襟期寧
足揮恒乘日用理兼參微妙機分拙委炎壑晞
光睇遙薇胡爲滄風波慷慨亦來歸

來歸旣永久得遂清言樂美人猶在茲達公安
可作惠風千里至寒裳恣江閣鬢素故無異肥
瘦乍相愕燕慰極公私深心向寥廓
寥廓非一端當歌忽成泣紛駭百年事機牙互
相襲存者志四方逝者據原隰非身患仍有將
智耄恒及引領洪厓顛靈氣庶茲挹

洪厓不可覲蕭峯長自清月出浦淑遠煙生巖
戶縈中有幽人居留連高尚情終知不可得流
嘆以屏營

屏營亦難留春江有行舟摧殘素心杳迴翔清
佩悠語嘿道方委風雲氣何求壯隨榮落盡晚
覺眠食優何當泳左將子復來遊

伍貞婦詩

青雲有貞婦宜家成孝廉婉婉閨閣間恩意何

沾沾計偕泣有贈爲兆理亦憮孝廉竟客死貞
婦誓隨殲蒲桃豈療饑聊以寬慈嚴兒女傷人
心歲月難久淹素履示芳跡池光沒流蟾北海
如可期良不愧鱣鱣

送黃元常偕叔幼于弟仲倩叔遠同魏季

玄歸應秋試

世故不可期心迹殊自知早從冠劍豪老爲童

句癡况乃通家子欲以專門師率爾動致敬友
于仍切偲分燈雨牕急散帙晴軒遲永日坐自
課良夜析所疑問事愁不休談文欣一爲清切
促函丈留連低絳帷念此欲何之磊磊休明時
講肄若鍾鼓虛鳴寧足羈牽率吾家駒黽勉千
里馳黃世瓊琬業魏生金石姿學子一如此起
予良在茲紳帶肅中堂信宿行參差賓散委餘

悵朋睽紆遠思百日共升第七州誰見隨把酒
暮河橋高歌拊林涯君看白雲起秦青方此辭
夕佳樓贈來參知

出處等維塵未若蕭然真蕭然若有會虛微自
相親身參市朝侶不廢煙霞賓我有齊年歡故
自同心人

同心兩相悅日夕春祠列善謔藹冲明微言峻

芳潔今政古猶存古心今所設澤引岱宗雲清
拂峩嶷雪

雲雪渺何似丹青窈難滓行藏隨萬端死生猶
一視粗存糧藥資長有溝壑志經濟自常體著
作乃餘事

餘事映風規月露春江瀾登樓泣華燭寸心良
不欺伏櫪驥聞嘆遊梁魚見知良用永今夕相

爲黃髮期

贈鄒南臯留都六首

靈崑軸海脉丹穴被天精用九開潛躍得一佐
寧清皇皇孝肅朝柔剛隨盛明長祥發冲聖奇
睽屬師卿

師卿倚竒眷剛氛護衡鉉依陰候虹起疑陽忌
龍戰銷心三輔豪殞氣諸州彥東吳未鸞靡西

江已麟見

麟見豈無時賢興自有宜君子秉昭質忠孝復
前規處志殺中孚折體象明夷揮戈事廻遠碧
血理經竒

經竒歲屢周橫天彗已流途窮擬開濟弦絕事
調柔維解沐昭蘇往蹇奉咨疇遂參玄衮闕風
性藹皇州

皇州曠且綿重闕峻而玄欽貞情率爾誹駿理
常然徂秋玉帛起獻歲簡書捐祥金無北躍虧
珠有南遷

南遷殊北徵今心豈昔懲昔賢懷蒼梧今子謁
鍾陵晚龔稱竟天弱賈憚恭承揆余昧修惜何
以贊居興

聞沈純

中臥病宅匆見魅欲奏

丹荒逐流禦勅遺存百身虎氣旣奄昂龍蒐始
奮辰還生及無恙溘死見陽春管吾經祓浴越
客定吟呻胡爲罹孤癘沉臥倏兼旬豈棲華子
室寧窺清漳濱傳聞君舍側詭象若爲隣循形
異中散聽招殊孔賓張口每聞咲飛彈時中人
一車紛可駭九鼎具難陳効之了無應嚙之行
復親朗朗長安陌雄雄帝座宸日月交照耀雷

電倏精新云何坐官邸見此非人倫幽憂豈淫
滯軫結在琴泯有覲旣懟雅宜笑倍傷均且事
立糧藥無爲廢經申玉司空上檢金明開列真
予官南奉常高寢肅宗裡行祈盛威曄無令斯
鬼神

送右武出關

聚散杳無期有如驂與騑送子遊近關念遠意
何微端簪觸拳勇弛繡戀閑闌斗水有清濁盈
庭無是非丈夫行一意何在久依違

古意送王太蒙東粵

日涉境何常善代理難一衝波日以移真意稍
流失淒風感絺綌世樂倦琴瑟豹飾豈無人羔
羊非此質

質清寧近名我友真人英被服必儒素退食少

餘羸道遠室人嘆齋居童僕貞環觀滄海資熒
熒開四明

明明海上霞矯矯雲中鶴清人常宴舒墨吏時
迫束非止峻公方相於雅繇俗尚有典型人心
知式如玉

心知誰不然出牧今旬宣節鎮久人望物色新
詩賁每聞三事虛常爲九伯先嶺海復何意庶

以清炎煙

炎煙依我友秋風惜携手天池萬里心沙城一
杯酒物情自可見素絲足回首來往必章門離
離候南斗

蘧菴詩爲韓求仲作

浮言不可收精意良有儲日中必陽燧月下宜
方諸世人空有心安知情所餘墮墮白日中浩

嘆不可除不如籍高枕長與神明居懷來隔山
海夢去同菴閭歇後偶成睡睡久爲之遽試問
遽然覺何似嗒然虛傷心春華胥身世不知渠
智志咏示子
有志方有智有智方有志情士鮮明體昏人無
出意兼茲庶其立缺之安所詣珍重少年人努
力天下事

繭翁予別號也得林若撫繭翁詩爲范長
白書感二妙之深情却寄爲謝

繭翁入壘時絲緒無一縷自分省眠食與世絕
筐筥吳門八蠶地故物復何取忽此枯桑翁謬
以鮮華與驚若承沮渙采拾被蓬旅噓枯施蛾
眉存殘惜機杼墨妙范長白歌清林若撫荀卿
誠感賦曼倩或諧語何得奉珠盤空思淚如雨

巳卯歲同方汝明海寧禪院

落日梅花峯明霞繡空杳芙蓉不可摘憑雲卧
高榻懸藤帶飛鼠平林依布鴿棲燈九蓮下幽
香滿禪衲西來問者誰吾亦忘吾答

二京歸覺臨川城小

舊京三四年望鄉心鬱然拜計東華門歸舟鴻
雁天遠色入江湖煙波古臨川夙聞賢府主冠

帶相繇延賓親盈廳中徃反日夕旋北窺青羊
洞南上銅林阡門巷不相當轉側在眼前始覺
都城大三轂未摩肩人世且區域况乃登雲烟
下視大小城數點何蒼然枌檟古在茲寸心安
可便

方圓吟

生物鮮非圓制物多從方卽此先後天方圓各

